

Talaang Bughaw ng Gintong Karanisan

RUDY FRANCISCO



Kaliwa: Si Rudy Francisco, binatang bituin ng Sampaguita, na nagpakuha ng larawan, kasama ang kanyang mga tagahanga, na nagdaos ng isang sayawan sa kaarawan ng "Saint Valentine's." Dulong kaliwa: sina Fred Montilla at Rudy Francisco, magkapatid, na kapuwa mga sikat na bituin sa puting tabing.

MAWIWIKANG Rudy Francisco ng Sampaguita Pictures, ay nabubuhay sa ibang daigdig! Huwag po kayong mabibigla, hindi namin ibig sabihing siya'y nabubuhay sa ibang planeta. Ang ibig po naming sabihin, sa lalong maliwanag na pangungusap, siya ay nabubuhay sa isang daigdig na hindi bagay sa kanyang propesyon bilang isang mapanagumpay na manananggol at bantog na bituin sa pinilakang tabing.

Kung tutuusin, mawiwikang iyan-sana ang hinihingi ng kanyang propesyon. Kailangang makisalamuha siya sa lipunan. Kailangang magparami siya ng mga kaibigan at kakilala. Ngunit ang taliwas ang siyang nangyayari. Gayunman, ang pangyayaring iyan nama'y hindi nakasama sa dalawang propesyong kanyang napiling pasukin.


Malimit kaming makatanggap ng mga liham ng mga tagahanga ni Rudy, na nagtatanong kung saan siya maaaring makita nang personal. Apat na pook lamang ang kailangang puntahan, upang siya'y matagpuan: una, sa istudyo ng Sampaguita Pictures; ikalawa sa kanilang tahanan; ikatlo, sa kanilang bupete sa Abad Santos and Pablo Law Office; at

Sundan sa pahina-95

Narito po ang dahilan. Kaiba sa mga karaniwang bituin, 'aluna kung bituing lalaki, siya'y hindi mahilig sa mga kasayahan. Siya'y isang taong tahimik. Hindi siya paladalo sa kung anu-anong pagdiriwang, laluna sa mga aliwang panggabi, halimbawa'y sa night club.



Dulong itaas: si Rudy Francisco, na kasama sa larawan si Dr. Jose Perez at si Gug. Azucena V. Perez. Nakatalaksan sa kanyang harap ang mga autograph book na pinalalagdaan sa kanya ng kanyang mga tagahanga. Itas: sa pagtitipong ito na idinaos ng mga tags-Sampaguita, ay kasamang dumalo at nagpakuha ng larawan si Rudy Francisco. Makikita siyang nakatayo sa gawing likuran, ikalima mula sa kaliwa. Ang nangunguna ay ang kapatid niyang si Fred Montilla. Ang kasunod hu naman ni Fred ay... ewan hu ba namin — hindi namin kilala!



wigan — ipakikilala kita sa aking ina — at pakakasal tayo sa lalong madaling panahon!
(ITUTULOY)

CRISTINA...

(Buhat sa pahina 68)
ay nag-aaral siya sa Centro Escolar University. Noong una ay ayaw ni Cristina mag-artista, subalit dahil sa himok ni Gerry de Leon ay napahunhod na rin siya. Sadyang mapalad si Cristina, sapagka't sa kanyang kauna-unahang paglabas sa pelikula ay hindi na siya naging ekstra o bit player, kaya, kundi isang ganap na bituin na katambal si Leopoldo Salcedo, sa pelikulang "Saigon". Ang pelikulang ito ay kuha ng lahat sa Vietnam.

Kung sa sukatan sa pagtata-gumpay ng isang bituin ay ang kanyang anyo, tinding kilos at pagbigkas ng salita, walang atinlangang si Cristina Pacheco ang makatutugon sa sukatan iyan.

RUDY...

(Buhat sa pahina 50)
ikapat, sa mga hukuman, sapagka't sa mga sandaling iyon, kung siya'y wala sa tatlong unang aming binanggit, siya'y maaaring nakikipagbaliktakan sa ibang manananggol.

Nguni't huwag naman ninong hinalaing si Rudy ay wala nang ibang pook na nararating kundi ang aming mga tinuran. Madalas siyang sumama kina Dr. at Gng. Jose Perez, kasama ng ibang mga bituin, sa paglililiwaliw sa iba't ibang magaganda at makusaysayang pook dito sa Pilipinae.

BIBIGYAN namin ng isang magandang tip ang kadalagahan. Kapag tinanong ang isang lalaking bituin, laluna kung ang nagtatanong ay isang babae, kung ang bituin ay binata pa o may pananagutan na sa buhay, ang tiyak na isasagot ay wala pa! Mayroon din namang mga nagtatapat ng katotohanang hinggil sa kanilang katayuan sa buhay. Nguni't yaon ang mga bituing hindi na maikaila ang tungkol sa kanilang katayuan sa buhay. Hinggil kay Rudy Francisco, kami ang gumagarantiya na siya'y isang abugado at artistang binatang-binata. Nguni't salihan naman ang ginagawa ni Rudy. Tunawing may magtatanong sa kanya, kung siya'y binata pa o may pananagutan na, ang sinasabi niya'y may pananagutan na siya, saka niya ngingitian ang nagtatanong sa kanya. Iya'y pagbibili-

ro lamang ni Rudy.

ISANG magandang katotohanan pa ang mawiwika natin kay Rudy Francisco. Maaaring hinala-in nating si Rudy ay marami ng salapi ngayon. Maaari nating sabihin iyan, sapagka't bukod sa siya'y isang taong titulado, siya'y isa pa ring bituin sa pinilakang tabing. Nguni't magkakamali tayo. Sapagka't sa palagay namin, si Rudy ay hindi magiging mayaman. Para sa kanya, ang salapi ay pabaugo lamang sa buhay ng isang tao. Halimbawa, sa kanya, higit ang kahalagahan ng pagtulong kaysa sa salapi. Kahi't walang ibabayad, ang isang kliyente ay kanyang ipinagtatanggol. Hindi niya inaalagata kung masusulit ang pagod niya sa pamamagitan ng salaping ibabayad sa kanya ng kanyang ipagtatanggol. Iya'y prinsipyo sa buhay ng isang taong kahanga-hanga.

SA PAGIGING asiwang lagi sa kanyang dalawang propesyon, paano mapag-uukulan ng panahon ni Rudy ang tungkol sa suliranin ng kanyang puso? Iyan kaipala ang dahilan kung bakit hanggang

ngayon, siya'y isa pa ring binatang may layang humanap ng babaing inaakala niyang karapat-dapat mag-ingat ng kanyang pangalan at karangalan.

Kung sa bagay, natitiyak na rin naming isa kayo sa mga nakababati na si Rudy ay naghahain ng pag-ibig kay Gloria Romero. Kung totoo, o hindi ang balitang iyan, siyang hindi namin masasabi. Ang kalahati ay maaaring totoo, at ang natitira pang kalahati ay maaaring hindi. Sa ibang kahulugan, ang hula ninyo, o ang paniwala ninyo, ay kasing-husay na rin ng sa amin.

Nguni't isang bagay ang aming titiyakin: nakaharap sa walang kahulip na kaligayahan ang siyamang babaing magiging kabiyak ng puso ni Rudy Francisco. Nasa kanya na yata ang lahat pang katangiang maaaring hanarin ng isang babae sa isang lalaking nasa isang niyang maging katatag ng buhay: mabait, maginoo, walang bisyo, mapatagan, mabini, titulado, bantog na artista, mapagkawanggawa sa kapuwa, mahabag sa mahihirap, kaibigan ng lahat, mabuting makisama, at... naku, siguradong walang katapusan ito, kung isasalaysay namin ang lahat ng katangian ni Rudy Francisco. Ang lahat ng kanyang mga katangian ay sa ganitong paraan na lamang namin sasabihin: siya'y isang mabuting Kristiyano!

—WAKAS—

ABANDONADO

(Buhat sa pahina 42)

—amuki naman ni Flora.

Pagkatapos kumain, si Virgilio ay hindi na nagpahinga. Nagpaalam siya sa kanyang mga kapadid, idinahilang titingnan niya ang lampang infaalok sa kanya ng isang may bukid upang bungkalin. Wala siyang binanggit na anumang tungkol sa nangyaring paglikita ni Ben, at sa mga bagay na kanilang pinagkayarian.

Ang pag-uwi ni Virgilio at ang hindi pagkakatanggap sa kanya sa pagsusundalo, ay nakapagpatiswa sa kalooban ni Flora. Anuman ngayon ang mangyari ay hindi na siya lubhang mag-aalala pagka't magkakasama na silang magkapatid.

Patuloy ang matuling takbo ng mga araw. Bawa't sandaling magdaan ay nakakatumbas ng isang butil na ginto sa ganang kay Virgilio, na walang sinasayang na araw sa paghahanda ng bukid na ipinagkatiwala sa kanya ni Ben.

—Kung may panahon naman si Ben, siya'y lihim ding tumutulong kay Virgilio sa paghahanda na lupa, upang huwag gahulin, sa hi-

Abril 11, 1956 BULAKLAK 95


naharap na taniman.

Si Flora, na kadalasa'y siyang naghahatid ng pagkain kay Virgilio, upang ito'y huwag nang maabala sa gawain, ay wala pa ring kama-layan sa pagiging magkasama ng kanyang kapadid at ni Ben. Nasisiyahan na siya sa kasalukuyang takbo ng kanilang pamumuhay. Hindi na sila ganong nagdadhahop ngayon, pagka't madalas na siyang binibigyan ni Virgilio ng kailangang gugulin sa bahay, kahit na hindi siya dumaraing sa kapatid. Kung usisain naman niya si Virgilio, tungkol sa pinagkukuan ng kuwintang inuuwi nito, walang laging isinasagot ang kanyang kapatid, kundi inutang daw sa kanyang kasama o pinagbibilhan kaya ng kanyang mga pananim na gulay.

Ang mga dating utang nila ay unti-unti nang nabayaran ni Flora, at naipagpatuloy na rin nila ang pagbabayad ng kaukulang hulog sa Banko.

Lalo pang nalugod si Flora, nang sabihin sa kanya ni aling Clara, (Sundan sa pahina 102)

KABIG-IBIG, KAHALIHALINANG KUTIS NA NAG-AANYAYA NG ROMANSA



Gawing sariwa maxinis at kaibig-ibig ang inyong balat sa pamamagitan ng ORCHID FACE POWDER na tutugon sa kanyang puso.

Mabibili sa lahat ng basar at tindahan.